



**Broj:** 01-02-3-504-5/24  
**Tuzla,** 08.10.2024. godine

Na osnovu Odluke o prodaji službenog putničkog motornog vozila putem javnog nadmetanja – licitacije, broj: 01-02-3-504-1/24 od 17.09.2024. godine, a u vezi sa članom 12. stav (3) Pravilnika o uslovim nabavke i načinu korištenja službenih vozila u institucijama Bosne i Hercegovine („Službeni glasnik BiH“, broj 34/23) i Instrukcije o načinu i pravilima sprovođenja javnog nadmetanja - licitacije za prodaju motornih vozila budžetskih korisnika - institucija Bosne i Hercegovine, broj: 08-02-2-4348/23 od 29.05.2023. godine, Agencija za antidoping kontrolu Bosne i Hercegovine, objavljuje:

### **JAVNI OGLAS**

#### **za prodaju službenog putničkog motornog vozila Agencije za antidoping kontrolu Bosne i Hercegovine putem javne prodaje - licitacije, sistemom prikupljanja zatvorenih pisanih ponuda**

#### **1. PREDMET PRODAJE**

Agencija za antidoping kontrolu Bosne i Hercegovine (u daljem tekstu: Agencija) putem javnog nadmetanja-licitacije, prikupljanjem zatvorenih pismenih ponuda, prodaje službeno putničko motorno vozilo ŠKODA Superb sljedećih karakteristika:

1. Marka i model: ŠKODA Superb
2. Boja: Siva
3. Broj vrata: 4/5
4. Broj šasijske: TMBAH9NP1H7034586
5. Snaga/zapremina motora (kW/cm<sup>3</sup>): 110/1968
6. Godina proizvodnje: 2016.
7. Vrsta goriva: Dizel,
8. Stanje vozila: Ispravno - u voznom stanju [vozilo je održavano u ovlaštenom servisu],
9. Pređena kilometraža: cca 248.000 km,
10. Redovan servis [zamjena ulja i filterskog materijala] izvršen je 12.07.2024. godine na 240.720 km,
11. Veliki servis izvršen je 31.03.2022. godine na 180.044 km,
12. Registarske oznake: M36-K-975, registrovano do 03.11.2024. godine,
13. Početna cijena: 21.000,00 KM

#### **2. PRAVO UČEŠĆA**

- 2.1. Pravo učešća u postupku javnog nadmetanja – licitacije, sistemom zatvorenih pismenih ponuda, imaju sva pravna i fizička lica koja prije utvrđenog roka za licitaciju uplate predviđeni depozit/kauciju za učešće na javnom nadmetanju-licitaciji u iznosu od 2.100,00 KM.
- 2.2. Pravo učešća u postupku javne licitacije nemaju zaposlenici Agencije za antidoping kontrolu BiH, kao ni članovi njihove uže porodice.
- 2.3. Uplata kaucije/depozita za učešće u postupku javnog nadmetanja-licitacije vrši se uplatom na glavni račun kod Centralne banke broj 0000030000000145. Prilikom uplate depozita/kaucije na pomenuti račun uplatilac (učesnici – ponuđači u postupku javnog nadmetanja) treba navesti sljedeće podatke koji se odnose na bankovni račun za uplatu sredstava:
  - Primalac: Ministarstvo finansija i trezora BiH;
  - Transakcijski račun broj: 0000030000000145;
  - Poziv na broj: 37111;
  - Svrha uplate (OBAVEZNO UPISATI): Javno nadmetanje/licitacija u Agenciji za antidoping kontrolu BiH;
- 2.4. Povrat sredstava uplaćenih na jedinstveni račun trezora za učešće u postupku javnog nadmetanja-licitacije za prodaju službenog vozila Agencije vrši se na osnovu zahtjeva Agencije upućenog Ministarstvu finansija i trezora Bosne i Hercegovine odnosno novčani iznos položen na ime depozita bit će vraćen ponuđačima koji ne budu izabrani na javnom nadmetanju, uplatom na broj žiro-računa naznačenog na Obrascu za cijenu ponude.

**Učesnicima u postupku licitacije čije ponude ne budu prihvaćene, uplaćena kaucija bit će vraćena na tekuće račune na osnovu zahtjeva institucije, dok će uplaćena kaucija najpovoljnijem ponuđaču biti vraćena na tekući račun nakon dostavljanja dokaza o izvršenoj uplati punog iznosa ponudene cijene i dokaza o izvršenom prenosu vlasništva, kao i sistemom provjere kroz Glavnu knjigu Trezora BiH.**



### **3. PREGLED VOZILA**

- 3.1. Vozilo se može pogledati na adresi I inženjerske brigade (parking kod NLB banke), u Tuzli, dana 10.10.2024. godine i 11.10.2024. godine, u vremenu od 11:00 do 14:00 sati, uz prethodnu telefonsku najavu kontakt osobi.
- 3.2. Kontakt osoba je: Damir Mukinović, telefon 035 310 690.
- 3.3. Vozilo se prodaje u viđenom stanju i naknadne reklamacije se ne uvažavaju (princip viđeno-kupljeno).

### **4. DOSTAVLJANJE PONUDA**

- 4.1. Ponude se dostavljaju na popunjenim obrascima iz ovog oglasa, u zatvorenoj (neprovidnoj) kovrti sa naznakom «**Ponuda za Javnu licitaciju motornog vozila ŠKODA SUPERB - NE OTVARATI**».
- 4.2. Uz ponudu se dostavlja i odgovarajući dokaz o izvršenoj uplati depozita/kaucije za učešće u postupku javnog nadmetanja.
- 4.3. Ponude se dostavljaju putem pošte ili neposredno na protokol Agencije za antidoping kontrolu BiH [kancelarija broj 7], ul. Maršala Tita broj 36, II sprat, Tuzla.
- 4.4. Rok za dostavljanje ponuda je **18.10.2024. godine do 11:00 sati**.
- 4.5. Ukoliko ponudu dostavlja fizičko lice, ponuda mora da sadrži: ime i prezime, ime jednog roditelja, adresu i broj telefona, broj tekućeg računa, ovjerena kopiju identifikacijskog dokumenta.
- 4.6. Ukoliko ponudu dostavlja pravno lice, ponuda mora da sadrži: naziv pravnog lica, adresu i broj telefona, ID broj, potpis ovlaštene osobe i pečat, ime lica ovlaštenog za zastupanje u postupku licitacije, rješenje o upisu u sudski registar ne starije od 3 (tri) mjeseca ovjereno od strane nadležnog organa, broj poslovnog računa.
- 4.7. Sve ponude koje pristignu poslije naznačenog roka (rok koji je naveden u ovom javnom oglasu), bez obzira kada su poslate i bez obzira na način dostave, neće biti uzete u razmatranje.
- 4.8. Ponuda mora biti potpisana od podnosioca, a ukoliko je ponuđač pravno lice, ista mora biti i ovjerena pečatom pravnog lica.

### **5. POSTUPAK NADMETANJA**

- 5.1. **Javno otvaranje ponuda** uz prisustvo zainteresovanih fizičkih lica i ovlaštenih predstavnika pravnih lica koja dostave ponude, **održat će se dana 18.10.2024. godine u 11:30 sati, u prostorijama Agencije za antidoping kontrolu BiH, ul. Maršala Tita broj 36, II sprat [kancelarija broj 11].**
- 5.2. Otvaranju ponuda mogu prisustvovati ponuđači, fizička lica lično ili po punomoćniku, te osoba koja je ovlaštena da zastupa pravno lice ili punomoćnik za učešće u licitaciji.
- 5.3. Postupak nadmetanja, odnosno licitacije počinje registracijom ponuđača koja podrazumijeva provjeru identiteta podnosioca ponude, zakonskog zastupnika ili punomoćnika.
- 5.4. Predsjednik komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj ponude po prispjeću, ponuđeni iznos i prihvatljivost ponude.
- 5.5. Ponude koje ne sadrže uslove prihvatljivosti neće se razmatrati u daljem postupku prodaje.
- 5.6. Ponude ispod početne cijene neće biti uzete u razmatranje.
- 5.7. Komisija, nakon razmatranja liste ponuđača, utvrđuje najpovoljniju ponudu, o čemu usmeno obavještava prisutne ponuđače a Predsjednik komisije proglašava pobjednika javnog nadmetanja-licitacije.
- 5.8. Ukoliko se na poziv za prodaju vozila prijavi samo jedan ponuđač sa prihvatljivom ponudom, Komisija ga proglašava pobjednikom prodaje.
- 5.9. Kriterij za vrednovanje ponuda je najviša ponuđana cijena za navedeno službeno motorno vozilo, a u slučaju da su prvorangirane dvije (2) ili više ponuda, identične, tj. imaju u postupku istu ponuđanu cijenu, Komisija daje prednost ponuđaču koji je ranije predao ponudu.
- 5.10. Ukoliko se na poziv za prodaju službenog putničkog motornog vozila ne odazove ili ne prijavi ni jedan zainteresovani ponuđač, institucija će izvršiti novo raspisivanje javnog poziva za prodaju, uzimajući u obzir da početna/procijenjena vrijednost predhotnog nadmetanja može biti umanjena maksimalno za 10%.
- 5.11. Nakon proglašenja pobjednika za službeno vozilo koje je predmet prodaje Komisija sastavlja Zapisnik po osnovu javnog otvaranja ponuda za prodaju službenog vozila koji će biti javno objavljen na zvaničnoj web stranici Agencije [www.ada.gov.ba](http://www.ada.gov.ba).



## **6. SADRŽAJ PONUDE**

6.1. Ponuda obavezno treba da sadrži sljedeće elemente:

a) **Obrazac za cijenu ponude (isključivo obrazac koji se nalazi na [www.ada.gov.ba](http://www.ada.gov.ba))**;

- **Fizička lica:** ime i prezime, ime jednog roditelja, adresa, broj telefona, JMBG, broj tekućeg računa, iznos ponude u KM (brojevima i slovima), potpis – **uz ponudu obavezno dostaviti ovjerenu kopiju identifikacionog dokumenta**;
- **Pravna lica:** naziv pravnog lica, adresa, broj telefona, ID broj, broj poslovnog računa, iznos ponude u KM (brojevima i slovima), potpis ovlaštene osobe i pečat, ime i prezime lica ovlaštenog za zastupanje u postupku licitacije – **uz ponudu obavezno dostaviti kopiju ID broja (obična kopija) i rješenje o upisu u sudski registar ne starije od tri mjeseca ovjereno od strane nadležnog organa**;

b) **Dokaz o izvršenoj uplati kaucije/depozita u iznosu od 2.100 KM**;

6.2. Nepotpune i neblagovremeno dostavljene ponude se neće uzimati u razmatranje.

6.3. Prihvatljivom ponudom se smatra svaka ponuda koja sadrži sve tražene podatke i čiji je iznos ponude jednak ili veći od početne cijene za vozilo ŠKODA SUPERB.

6.4. Ponuđena cijena treba da bude iskazana u konvertibilnim markama (KM) i u cijelim brojevima, bez decimala.

6.5. Cijena ponude dostavlja se isključivo na **Obrascu za cijenu ponude**, koji se nalazi u prilogu ovog oglasa.

## **7. OBAVEZE KUPCA**

7.1. Sa odabranim ponuđačem Agencija za antidoping kontrolu BiH zaključit će kupoprodajni ugovor u roku od 7 (sedam) dana po završetku postupka javnog nadmetanja i istom će biti vraćen uplaćeni depozit/kaucija po dostavljanju dokaza o uplati punog licitiranog iznosa.

7.2. Kupac je dužan za kupljeno motorno vozilo uplatiti puni iznos kupoprodajne cijene u roku od 7 (sedam) dana od dana obostranog potpisivanja kupoprodajnog ugovora, a plaćanje se vrši sa bankovnih računa koji su navedeni u obrascu ponude.

7.3. Ukoliko izabrani ponuđač/kupac ne pristupi sklapanju ugovora o kupoprodaji, ili ukoliko nakon zaključenja ugovora odustane od njegove realizacije, uplaćeni depozit/kaucija mu se neće vratiti a Agencija za antidoping kontrolu BiH zadržava pravo dodijeliti ugovor prvom sljedećem ponuđaču sa liste uspješnih ponuđača.

7.4. Uplata kupoprodajne cijene, odnosno iznosa po kojem je prodato službeno vozilo vrši se na jedan od depozitnih računa:

Svrha doznake: **„Kupovina službenog motornog vozila” za Agencija za antidoping kontrolu BiH**

Primalac: **JRT BiH (Jedinstveni Račun Trezora BiH)**

Račun primaoca:

**JRT Trezor BiH - Depozitni račun, broj računa: 3380002210018390 (UniCredit banka d.d. Mostar),**

**JRT Trezor BiH - Depozitni račun, broj računa: 5517902220404858 (UniCredit banka a.d. Banja Luka),**

**JRT Trezor BiH - Depozitni račun, broj računa: 5556000060067744 (Nova banka a.d. Banja Luka) i**

**JRT Trezor BiH - Depozitni račun, broj računa: 1341021020000276 (Asa banka Naša i Snažna d.d. Sarajevo)**

Polja koja se odnose na uplate javnih prihoda moraju biti popunjena na sljedeći način:

1. Polje: Broj poreznog obaveznika - **treba da sadrži jedinstveni matični broj građanina, ukoliko uplatu vrši fizičko lice ili trinaestocifreni identifikacioni broj pravnog lica, ukoliko uplatu vrši pravno lice,**
2. Polje: Vrsta uplate – **za svaku uplatu treba biti „0”,**
3. Polje: Vrsta prihoda – **811114 [Primici od prodaje prometnih vozila],**
4. Polje: Općina - **treba da sadrži šifru općine prebivališta - sjedišta uplatioca,**
5. Polje: Poreski period - **treba da odgovara datumu uplate,**
6. Polje: Budžetska organizacija - **popuniti brojevima 0718999,**
7. Polje: Poziv na broj - **popuniti brojevima '0'**



- 7.5. Sve poreze i troškove oko prenosa vlasništva snosi kupac.
- 7.6. Prodaja se vrši po principu „viđeno-kupljeno“, što isključuje sve naknadne prigovore i reklamacije kupca upućene prodavcu po pitanju kvaliteta i eventualnih nedostataka motornog vozila.
- 7.7. Primopredaja, odnosno preuzimanje motornog vozila vrši se nakon dostavljanja dokaza o izvršenoj uplati kupoprodajne vrijednosti na odgovarajućoj lokaciji.

#### **8. DODATNE INFORMACIJE**

- 8.1. U postupku licitacije primjenjuje se Instrukcija o načinu i pravilima sprovođenja javnog nadmetanja - licitacije za prodaju motornih vozila budžetskih korisnika - institucija Bosne i Hercegovine
- 8.2. Da bi licitacija bila uspješna mora biti dostavljena najmanje jedna validna ponuda.
- 8.3. Dodatne informacije mogu se dobiti od gosp. Damira Mukićevića, broj tel. 035/310-690 radnim danima od 10:00 do 12:00 h.
- 8.4. Puni tekst ove licitacije bit će objavljen na web stranici Agencije za antidoping kontrolu BiH: [www.ada.gov.ba](http://www.ada.gov.ba) [oglas/javni pozivi] a sažetak teksta odnosno skraćeni tekst bit će objavljen u tri dnevna lista koja se distribuiraju na teritoriji Bosne i Hercegovine.
- 8.5. Agencija za antidoping kontrolu BiH zadržava pravo da obustavi ili poništi prodaju službenog putničkog motornog vozila po ovom oglasu/licitaciji u bilo kojoj fazi javne licitacije, sve do momenta uplate kupoprodajne cijene.

#### **Prilog:**

1 x Obrazac za cijenu ponude

**DIREKTOR**

**Nikola Čiča**

## OBRAZAC ZA CIJENU PONUDE

### PONUDA ZA KUPOVINU PUTNIČKOG MOTORNOG VOZILA ŠKODA SUPERB AGENCIJE ZA ANTIDOPING KONTROLU BOSNE I HERCEGOVINE PUTEM LICITACIJE

---

(Naziv pravnog lica ili ime, prezime i ime jednog roditelja za fizičko lice)

---

(Tačna adresa)

---

(Broj telefona)

---

(JMBG za fizička lica)

---

(ID broj za pravna lica)

---

(Broj tekućeg računa – fizička lica / broj poslovnog računa – pravna lica)

---

(Iznos ponude u KM - brojevima)

(slovima)

---

(Ime i prezime lica ovlaštenog za zastupanje u postupku licitacije - pravna lica)

---

(Potpis – za fizičko lice (potpis i pečat za pravna lica))

#### Uz ponudu obavezno dostaviti:

- **fizička lica:** ovjerenu kopiju identifikacionog dokumenta (lična karta);
- **pravna lica:** kopija ID broja (obična kopija); rješenje o upisu u sudski registar ne starije od tri mjeseca ovjereno od strane nadležnog organa,
- **fizička i pravna lica:** dokaz o izvršenoj uplati kaucije/depozita u iznosu od 2.100 KM